



NATURÆ IN HUNGARIÆ REGNO
DIVITIA.

L.

Tantas natura benignior per Hungariam, quam late patet, effudit divitias, ut si opulentissima ejus in animalium, mineralium, vegetabiliumque regno, dona, apertioribus contemplatis oculis, nihil quod ad usus, inevitabilesque vitæ necessitates, nihil quod ad amœnitatem innocuamque voluptatem desideres, vel curiosus reperias. Nam & situs amœnitate excellit, & fœcundiori solo famæ celebritatem promeruit. Hinc notum illud proverbium: *Extra Hungariam non est vita; si est vita non est ita.* Et habent profecto cur hoc glorientur Hungari, quum nec cœlo nec solo ulli secundum Hungariæ regnum, omnia vitæ commodioris subsidia, non suis solum incolis, sed vicinis etiam nationibus copiose subministret.

§. II.

Percurre si lubet, & si te *naturalis historiæ hungaricæ* studium delectat, cœli solique pannonicæ naturam examina, ubique opitulantis naturæ inventurus testimonia, eam merito adpicias præstantissimam.

§. III.

Aér enim hungaricus montanis in regionibus herbis graminibusque eleganter vestitis saluberrimus, vita longa sanaque natos suos beat. Sed nec in planicie ventis frequentibus & effluviis vegetabilium ambrosia suavius olentibus, refectionem depuratumque aërem adeo nocivum esse evincit, quod tam montium incolæ, quam humilia loca inhabitantes Hungari homines fanissimi vivant & robustissimi.

§. IV.

Fluviorum Hungariæ ea est dignitas, ut locum iis regni insignia præbuerint, nec inmerito: nulla enim regio est, quæ aut plures aut salubiores, quam Hungaria habeat aquas, quæ regionem undique pervagantes, non irriguam eam modo reddunt; sed auro, cupro (a) variisque piscium speciebus cives suos ditant; imo medicatis viribus mortalium subveniunt ægritudinibus. Sive enim acidulas spiritu gazantes, sale vel metallo inprægnatas, consideres, five thermas salubres toto orbe celebres (quarum analyses, singulari in proximos suos & artem medicam

amo-

(a) Math. Bel. de aquis vitriolatis *Neosol.* Phil. *Trasact.* 450. N. 1. art.

amore, sedulitate nunquam fatis laudanda, ad-
gressus est, & quasdam, plurimarum vera ana-
lysi destitutus, cum aliis *Imperiū Austriaci* me-
dicatis fontibus, analysin chemicam jamjam ex-
pertis, praxi medicæ applicuit) mihi ad ulti-
mos cineres Venerandi Præceptoris CEL. JOH.
NEPOM. DE CRANZ industria (b) utrasque ægro-
rum morbis mederi invenies.

§. V.

Solum Hungariæ mirifica parens natura, non
muneribus solum cumulavit, sed nobilitavit
etiam prodigiis, frustra in aliis regionibus quæ-
rendis. *Regnum animale* profert *Boves* (quo-
rum annuatim circiter 120000. e regno agun-
tur) præstantia, *equos* perniciitate, *sues* magni-
tudine, toti orbi notos. *Sylvæ* abundant *Apris*,
Rupicapris, *Cervis*, *Damis* &c. *Aviaria*
subpeditant *Attagenes*, *Gaviam*, *Phasianos*,
Tardas in desertis campis *Ketskemét* & alibi
gregatim reperiundas. *Fluvii* alunt piscium in-
numeras species, *Antacæos*, *Cyprinos*, *Hu-
sones*, *Mustelam fluvatilem*, *Percas*, *Truttas*,
Salmones Hung. *Semling*, *Salmonatam* Hung.
Galótza, *Thymallos*, *Sturiones* vitam in Ti-
bisco, Danubio & Marusio degentes, quem ta-
men fluvium raro ultra 20. milliaria adscendunt:
accidit tamen, ut clymacterico horum piscium
anno 1768. ad 30. milliaria supra Oppidum N.
Enyed in M. Transylvaniæ principatu usque ad

A 3

ag-

(b) In tractatu de aquis medicatis germanico idio-
mate edito.

aggerem Bogáth certatim migrarent, tanta quidem copia, ut sturiones ubique levissimo venderentur pretio. Alia piscium (in M. Transylvaniæ principatu hactenus incognitorum) migratio, quam per transennam notasse liceat, contigit anno 1770 in Samusio fluvio; credebatur in patria, haleces ex mari balthico, per subterraneos anfractus in Samusium devolutos esse; qua ratione eo delati fuerint? ignoror: scio tamen certissimis ex relationibus, hos pisces externo habitu halecibus simillimos, carne tenerrima & delicatissima præditos (fors maceratione in muria in haleces convertendos) ingenti copia eo tempore captos, nec unquam alias similes pisces viros fuisse. Utroque in casu variæ fatidicarum veteriarum auditæ sunt hariolations, favente tamen cœlo, nunquam effectum fortituræ.

§. VI.

Regnum minerale, præbet metallæ tam nobilia, quam ignobilia, *Aurum*, *Argentum*, *Ferum*, *Cuprum*, varias ejus species, cuprum sulphure mineralisatum solidum, Ochram cupri viridem, Cærulæum montanum Cl. de BORN. (c) Corpora metallis adfinia, *Antimonium plumbosum*, *calcem antimonii*, *Mercurium*, *Cinnabarinum*, *Auripigmentum crystallisatum*, *crystallis polyedris* Id. l. c. *Salem* profert fontanum, gemmæ, mirabilem Glauberi, Natrum Cl.

DE

(6) Briefe über mineralogische Gegenstände.

DE PAZMANDI (d). Regnum lapideum habet lapides quum pretiosos, tum non ubique obvios, Carbunculum, Topasium, Opalum, Rubinum, Granatum, BEL (e) DE BORN (f) Asbestum, Alabastrum, Marmorum diversitatem, Pumices, lapides suillos, Stalactites BEL (g) Succinum invenit Cl. de JACQUIN.

§. VII.

Regnum vegetabile subpeditat *Taxum* in montibus carpathicis, *Herbas* medicatis viribus inprægnatas; pro potu vina dulcia, odore, colore saporeque excellentia nobilissima, essentiam ex uvis maturissimis paratam *Ausbruch*, *Auszuszölö-Bora* & omnibus adamatum *tockavense* nectar toti orbi subministrat. Habet fructus horæos *melones aromaticos*, citrullos &c. Profert grana *Mays*, *Secalis*, *Triticum* civibus & vicinis sufficientia. Recentissimis experimentis etiam scimus, solum Hungariæ, *Oryzae* culturam non tantum admittere, sed eam satam copiose proferre. Sedulus enim italus *Dominus Limoni* anni proxime elapsi vere quatuor italicarum familiarum comitatum in Hungariæ Trans-tibiscanæ Temesvariensem, alias Banat dictum, regio indultu descendens, juxta pagum (de suo nomine tandem ita dictum) *Limonidorf*, decem

A 4

mo-

(d) De natro Hungariæ: hæc dissertatio edita est in Fasciculo I. operum minorum medicorum & dissertationum per Cel. D. F. X. de WASERBERG Viennæ 1775.

(e) Prodrom. Hung. (f) l. c. (g) l. c.

modios — 280 libras Oryzæ Mediolano adlatæ successu certe felicissimo terræ mandans, mense Augusti ejusdem anni 186 modios Oryzæ obtinuit. Nec mirum terram nostram adeo faventem Oryzæ fuisse, quum plantam, huic maxime adfinem gramen mannæ copiosissime ferat.

§. VIII.

Gramen mannæ paucis descriptum Botanicis variis insignitum est nominibus, a loco natali desumptis: alii enim *mannam polonicam*, alii *borussicam*, *francofurtanam* alii, *prutenicamque* nominaverunt; nec ullus, quantum novi, mannæ Hungaricæ mentionem fecit. Quum vero eam solum Hungariæ maxima copia sponte proferat, non inutilem laborem futurum existimavi, adcuratiorem graminis mannæ historiam describere.

§. IX.

In describenda nostra planta, ut eo meliorem possim observare ordinem, dabo *primum*, plantæ descriptionem, *deinde*, sexum determinatus, nomen genericum adponam, rationemque denominationis variæ reddam, *tum*, differentiam, locum natalem, varias de origine hypotheses indicabo: *post*, tempus fructificationis, culturam in diversis regionibus adhibitam notam faciam, *tandem* analysin chemicam, vires herbæ, granique aperiam; *denique* usum tam oeconomicum quam medicum detegam.

PLANTÆ DESCRIPTIO.

§. X.

Radix perennis reptat geniculata, albida, fusca, ex cuius geniculis in terram palustrem cœnosam profunde demittuntur fibræ capillares albæ, fuscæ, quandoque nigricantes. Ex his primo vere sparguntur foliorum in obtusifolum mucronem terminatorum, aquisque innatantium fasciculi. Post surgunt culmi.

Culmus herbaceus pro indole aquæ, in qua crescit, & natura limi, cui radiculas inmittit, admodum variabilis longitudinis 1. 2. 3. cubitorum & ultra. Tribus quatuorve geniculis distinctus, ex quolibet articulo sub foliis ad genicula enatis verticillatim copiosas, longasque profert fibras ramosas, inferior culmi pars, qua limo infigitur, albicans est, & multos emittit ramos. Apex culmi reflexus, nitidus, læte viridis, sine ramis, nodi fusi & læves, maturo culmo rubelli. In genere culmus est compressus, digonus, lævis, striatus, ramosus, septem, octo paniculis instructus. Hunc

Folia quatuor aut quinque investiunt, 3. 4. uncias longa, frequenter etiam semipedalia, aut paulo longiora quandoque sunt (in iis autem, quæ solo quidem cœnofo, humido, sed non ad aquas ipsas crescunt, biuncialia & sesquiuncialia tantum & angustiora) unam cum dimidia lineam lata, debilia, glabra, viridia, leniter striata, in margine nonnihil crenulata, hinc superne & in-

ferne, & ad margines, si deorsum stringantur, aspera. *Vagina* compressa, lævis: dilute viridis, culmum successive totum quasi contegit, vaginæ striatim, & si digitæ sursum ducantur, plerumque asperiusculæ sunt, & ad internam foliorum basin, in membranulam tenuem obtusam membranaceam ex albido subdiaphanam, lineam unam circiter longam finiuntur.

§. XI.

Summo culmo insidet *panicula* longa, lata, ramosa, nunc magis, nunc minus sparsa, semi-pedalis, spithamalis & pedalis, quandoque longior, ramulis alternatim e culmo sinuato & sulcato, nunc paucioribus nunc pluribus uno eodemque loco inæqualibus intervallis oriundis. Pedunculus terminalis nonnihil reflexus, semiteres, lævis. Pedunculi axillares obpositi, parum antrosum flexi, solitarii, geminati & inæqualis longitudinis expansi; e quolibet pedunculo inferius unus, duo petioli inæquales, spicati, erecti exsurgunt, circa tempus efflorescentiæ communiter pedunculi longiores, & ad rectum expanduntur angulum. Hoc tamen non semper contingit: nam in quibusdam paniculis pedunculi axillares non sunt remoti a terminali.

Locustæ alternæ, spicæformes, decemfloræ, teretes, tenues, quæ apertis locustis & in sicca planta disticham frequenter formam induunt, 5. 6. 7. lineas longæ, dum teretes adhuc & clausæ sunt, angustiores apertæ lineam unam cum dimidia æquantes. *Locustæ* maturitate plenio-

ri folliculos suos ita deponunt, ut quandoque nihil nisi calyx aut unus alterve remaneat folliculus, aliamque tunc veluti formam, aliamque graminis speciem mannæ gramen mentiatur.

§. XII.

Calyx constat duabus *glumis* inæqualibus, tenuibus, membranaceis, brevibus, in obtusum mucronem terminatis, quarum exterior major, lator; lineam unam longa aut paullo longior, inferior linea brevior, angustior, apice fiso, maturæ distichæ fiunt. In ea specie autem, quæ cœnōsis non aquaticis locis surrecta provenit, major calycis gluma, lineas fere duas longa, minor linea paullo longior. Ex harum sinu exsurgit

Scapus, cui alterno situ, & intervallo lineæ circiter dimidiæ adnascuntur folliculi biglumes, octo, novem, decemve, lineas duas longi, quarum glumæ exteriore virides striatæ, in obtusum membranaceumque ex albido subdiaphanum mucronem terminantur, interiores crassiusculæ, rigidiusculæ, mucronatæ, quasi planæ, aliquatenus tamen versus exterioris cavitatem inflexæ & concavæ, linea crassiuscula earum cavitatem terminante.

§. XIII.

Corolla, bivalvis, valvula inferior major, figura calycis, magnitudine calycem superans, teretiuscula, acuminata, in aristam rectam definens.

Nectarium est rotundus, planus, crassus, succulentus in medio parum excavatus, dimidiatus

di-

discus, qui perpendiculariter extrorsum sub capitulo hæret.

Stamina. Filamenta tria, capillaria, corolla breviora. *Antheræ* oblongæ.

Pistillum. Germen turbinatum. *Styli* duo breves, reflexi. *Stigmata* simplicia.

Pericarpium. Corolla arctissime clausa adnascitur, nec dehiscit.

Semen unicum, tenui-oblongum, utrinque acutissimum, longitudinaliter sulco notatum, compactum, cortice fusco instructum, quo privatum substantia farinacea, sapore dulci grato flavicans est & transparent.

SEXUS DETERMINATIO.

§. XIV.

Systema sexuale (quod ab Illustrissimo equite Carolo Linnæo Regis Sueciæ Archiatro inventum & adeo pulcre adornatum, confirmatumque est, ut vix non ab omnibus botanices cultoribus, unanimi consensu receptum fuerit) desumitur ex omnibus fructificationis plantæ partibus; non tamen sine discrimine: quædam enim classes, aliæ ordines determinant.

Secundum hoc sistema sexuale, in examine plantarum ad determinandas classes & detegendos ordines tria sequentia observari solent, *primo* scilicet an flos sit hermaphroditus? *Secundo*, quis sit staminum, a quibus classes desumuntur, numerus, situs, quæ proportio figura? *tertio*, quot sunt pistilla? Quæ ordines plerumque determinant, quorum tamen numerus, non ex germe,

ne, neque ex stigmatibus, quæ hic in considerationem non veniunt, sed ex stylo determinantur, uti hæc docte & summo cum auditorum emolumento æstivis horis tradit, mihi per omnem ætatem colendus celeberrimus D. Nic. Io. Nob. de IACQUIN, chemiæ & botanices professor, in splendidissimo horto Botanico Regio, quem in magnam botanophilorum utilitatem Augustissima Imperatrix erectum coli jubet. His præmissis

Ex descriptione plantæ §. XIII. data, patet primo gramen mannæ habere flores hermaphroditos, quia stamina & pistilla in eodem flore gerit, secundo in quolibet flore adesse tria stamina, tertio duosque stylos conspici. Pertinere itaque gramen mannæ ad *triandriam dyginiam*, & quia omnes *festucæ* (cujus calyx bivalvis, spicula oblonga, teretiuscula, glumis acuminatis) & quidem *fluitantis* (quæ est festuca panicula ramosa, erecta, spiculis subsessilibus teretibus, mucicis) notas præferat, ad *festucam* tanquam ad genus, & ad *festucam fluitantem* tanquam ad speciem merito refertur.

§. XV.

Diu inter Botanicos quæsumum est, quo de genere graminis, *manna* desumatur gramen? Veteres Botanici omnes a panici quadam specie derivarunt. Panicum germanicum seu panicula minori adpellavit C. Bauh. (h). Moris. (i), Panicum

(h) C. B. Pinax 27. (i) Hist. 3. p. 188. t. 3.

nicum italicum, sive panicula majori *C. Bauh.*
Moris. l. c. *gramen dactylon esculentum* dixit
Mathiolus & post eum præter nunc statim citatos
Auctores Pancovius. (k) *Elsholtz* (l) *Ledel* (m).
 Alii pro singulari genere descripsérunt, ut *Schwenk-*
feld, qui (n) *gramen mannæ* 2. *Dod.* vel *pani-*
cum crus galli pro vero gramine mannæ descri-
 bit. D. *Lösel* (o) *Gramen paniculatum pra-*
tense adpellat. Cl. D. *Bergen* (p) novum genus
 condit & *dactylon Linnæi marchicam esculentam*
 pro gramine mannæ *francofurtanæ adhucdum*
profert; novissime vero Cl. D. *Wiegand* ad
hordeum refert (q) ejus autem in linguam hun-
 garicam translator Cl. D. *Samuel Szilágyi* (r)
 ad juncos relegat.

§. XVI.

An *Mathiolo* præeunte successores Botanici in
 errorem inducti sunt? Videntur vel non cogno-
 viisse plantam vel ex solo habitu judicasse. Si
 quis enim recensitarum specierum graminum cha-
 racteres cum *festuca fluitante*, quam verum man-
 næ *gramen* esse §. XIII. §. XIV. ostendi, con-
 ferat, videbit, hæc a se invicem multum, quæ-
 dam toto cœlo differre. Eamus per singula.

Pani-

(k) in Herbario. (l) *Elsholtz Horticultura.*(m) *Ledel succincta mannæ excorticatio.*(n) *Schwenkfeld in catal. stirpium files.* p. 88.

(o) in Fl. Prussica. (p) In Fl. Francofurtana.

(q) *Wiegand agricultura Austriaca* §. III. §.
 XXXVIII.(r) *Sam. Szilágyi in notis ad libr.* & §. nunc cit.

Panicum non est; panici enim calyx trivalvis, uniflorus, nostri vero graminis bivalvis multiflorus §. XIII. Dactylis gluma uniflora aut biflora, subrotunda; gluma festucæ est multiflora. Hordei calyx lateralis uniflorus. Juncus est in hexandria monogynia. Præterea si grana mannae in Hungaria, Polonia, Prussia alibique collecta terræ mandes, nihil aliud quam festucam fluitantem obtenturus es. Hinc celebriores Botanici CL. LINNÆUS (s). ILL. HALLERUS (t) CL. REYGER (u) HELVING (x) eam ad festucam fluitantem retulerunt.

NOMEN GENERICUM.

§. XVII.

Festuca panicula ramosa, erecta, spiculis subsessilibus, teretibus muticis *Lin. Flor. Suec.* 90.

Gramen aquaticum fluitans multiplici spica C.B.

Poa locustis teretibus multifloris, glumis floralibus exterioribus truncatis, interioribus bifidis *Haller stirp. Helv. n. 1453.*

Poa spiculis decemfloris teretibus rachi adpressis, racemis binatis, secundis, patulis, *Scapol. p. 1. p. 65. Fl. Carniol.*

Gramen phalaroides fluitans, aquaticum multiplici panicula. *Monti prod. p. 46. f. 35.*

Gra-

(s) Linnæi genera plantar. p. 32. species plant.

p. 75.

(t) Halleri stirpes Helvetiae n. 1453.

(u) Reyger Flora Gedan. p. 702.

(x) Helving. Fl. Pruss. suppl.

Gramen paniculatum aquaticum fluitans *Tournefort.* Gramen miliaceum aquaticum brizæ locutis, semine rufo. *Barrel. Icon. 7. Tab. 4. f. 5.*

Gramen mannæ esculentum prutenicum *Lösel.*

Gramen fluviatile *Tabernæmont.*

Gramen loliaceum fluitans spica longissima
Moris. Hist. 3. p. 183.

Gramen aquis innatans *Lobel Icon I.*

Poa spiculis oblongis erectis *Linn. Hort. Clif.
fort. 28.*

DENOMINATIONIS RATIO.

§. XVIII.

Mannæ gramen Anglis audit *floœ græs.* Gallis *manna.* Polonis *manna-kasza, polska.* Suecis *svin-svingel,* in Scandia *gas gras* dicitur. Hungari vocant *harmat-kása, manna-kása,* pultem roris vel cœlestem, *Boszorkány-kása,* fors ideo, quia illi, qui primum semenis hujus collectionem viderunt, ignari, quid mulierculæ, summo mane vel vesperi in aquis alte cinctæ incerniculis manibus prehensis agerent, sagarum falsa, sed jam exauctorata opinione pleni, femellas industrias, genuinaque pietate ornatas, inpias sagas, collectumque ab iis semen pultem sagæ salutarunt. Germani adpellant *Enten-gras, Schwaden-gras, Himmel-thau,* fors inde, quia rore adhuc madido gramine, semina colliguntur, vel quia primi denominatores semen mannæ roris instar herbis adhærere crediderunt.

§. XIX.

§. XIX.

Hac occasione æqui bonique existimo publico notum facere: massam illam, quæ Viennæ apud *aromatarios & rhizotomos*, vulgo *Greisler* sub nomine *Himmel-thau* caro satis pretio vendi solet, & a quibusdam Medicis, ægris, magno certe eorum detrimento in cibum præscribitur, non esse verum graminis mannae semen. *Cel. Joh. Jacobus de WELL*, *Naturalis Historiae in Universitate Vindobonensi Professor*, suspicatur hanc massam confici ex farina alicujus cerealis in pultem coacta, exficcata, & cribro rapsata; & recte. Inveni tamen præterea etiam hordeum in grana minima comminutum sub hoc nomine vendi. Utrumque verum esse docebunt sequentia. Aromatarii duplicum vendunt massam *Himmel-thau* baptizatam, grossiusculum, *gröberer Himmel-thau*, tenuius & compactius est, quod *feinerer Himmel-thau* adpellitant. Rhizotomorum plures a prioribus emtum manna vendunt, alii vero prorsus dissimile. Duriusculum aromatiorum manna, infudi aqua tepida, obtinui statim lac farinaceum crudum, nauseosum, sedimentum dedit gluten conglutinandis libris aptissimum. Alterum ejusdem farinæ manna solutum, eadem exhibuit producta. Manna rhizotomorum dissimile, diu maceratum aquam non turbavit, sed post longam etiam digestionem, eadem quæ inposueram obtinui grana, sapore hordeo prorsus simillima. Rogavi non paucos aromatarios quam humanissime, ut natalem mannae suæ locum, unde per-

commercia acciperent, vel modum conficiendi, si sponte non cresceret, aperirent. Negavere omnes, persuadere conantens, hoc esse cereale donum, a natura ita productum, nec aliud sub cœlo manna reperiundum. Hoc vero illi Venetiis, hi Norimberga, Salisburgo alii acceptum, adferere non dubitaverunt. Tandem ad quendam festivorem devolutus, didici mannam sic dictam non esse genuinum naturæ productum, nec ex nominatis locis Viennam advehi; sed in suburbis Viennensis ex farina cerealis confici. Hic olim vero manna multum delectatus, delicatissimi cibi saporem nunc etiam in lingua habebat. Manna rhizotomorum dissimile, in Austriæ molendinis, ex hordeo conficitur.

DIFFERENTIA.

§. XXI.

Festuca fluitans a *tritico*, non flore, sed se-de floris in petiolis ramosis differt. A *poa* mul-tum evidenter, a *bromo* adeo obscure, ut nihil supra ILL. Haller. (y).

Magna graminum adfinitas, historiam graminum olim obscuram, nunc difficilem reddens, effecit, ut plura gramina, mannæ nomine insig-niren-tur; quæ tamen veri graminis mannæ cha-racteres non possident. Sic *Mathiolus* meminit mannæ, quod *Germani Himmel-thau* vocant. (z)

Ta-

(y) Scheuchzeri agrostographia curante Alb. ab Haller in adpendice III. p. 64.

(z) *Mathioli* epistola ad *Hieronymum Heroldum*.

Tabernæmontanus (a) duplex describit manna, sylvestre & sativum. Nullum vero horum graminis mannæ, seu festucæ fluitantis notas præ se fert. Nam utriusque manna non est aliud, quam *panicum sanguinale spicis digitatis, basi interiori nodosis, flosculis geminis multicis, vaginis foliorum punctatis.* *Linn.* quod Italies *Capriola*, Anglis *Cocks-foot*, Germanis *Blut-Hirse*, *Hirsen-Gras*, *Blut-Gras*, Bohemis *Rosa*, Hungaris *Tatárka*, Slavis *pes cornicis* audit, circa Veronam hoc gramen *spergula* dicitur, circa Florentiam *sanguinella*, quia spicæ compressæ naribus inpositæ sanguinem elicunt. Hoc gramen copiose crescit in septentrionalibus Germaniæ provinciis, non tamen ultra 56. grad. 10. min. visum est. Invenitur etiam in calidioribus regionibus, in *Italia*, *Asia*, *Virginia*, *Jamaica*, in *Mediæ arenosis*, *Buxbaum* (b) *Linn.* (c) Hæc planta tempore *Mathioli Goritii* in Carniolia culta nostro tempore negligitur. (d) *Scopoli.* In Polonia cum *G. mannæ* promiscue colligitur. Semen papyraceæ sed firmæ glumæ inclusum oblongum transparens, hinc convexum, inde fulcatum. Magna copia colligitur in Bohemia, unde Viennam, rariori tamen fortuna, adferri solet.

B 2

LO-

(a) *Tabernæmont. herbas past.* 5²⁷.(b) *Buxbaum cent. plant.* 5. P. 34.(c) *Linn. Fl. Sueca*, p. 5²⁷.(d) *Scopol. Fl. Carniol.* p. 188.

LOCUS NATALIS.

§. XXI.

Festuca fluitans crescit tam fluentibus quam stagnantibus in aquis, in littoribus fluviorum, in rivis eorumque exsiccatis alveis, in humidis, non tamen paludosis, pratis, fere tota in Europa. Provenit enim in omni terra, quæ semel ad minimum in anno aqua inundata fuit, vel humidiore situatur loco: humidum enim gramen mannae adeo affectat locum, ut extra illud non crescat, imo saepe radicibus pereat. Hinc copiosius obtinetur manna in annis humidioribus, qualis erat annus 1772. sequentibus vero annis 1773. 1774. parva admodum quantitas in Hungaria collecta est; quia ver in his annis admodum siccum gramine mannae minus favens, non nisi in marginibus lacuum & limosis in locis inveniebatur. In lente fluentibus aquis, saepe tanta copia provenit, ut aquæ fluxum remoretur. Festucæ nostræ propagatio adeo felix & fœcunda est, ut spatio trium, quatuorve annorum, saepe breviori etiam tempore, totum alveum inpleat. In locis inundatis, & pratis humidioribus, ubi gramen mannae non adeo profunde sub aquis haeret, festuca fluitans ex omni parte minor est: quo vero aqua, in qua crescit altior est, eo pluribus instruitur foliis, eoque est longior. CL. SCHREBER (e).

§. XXII.

(e) Schreber Gram.

§. XXII.

Provenit festuca nostra fluitans, in *Polonia*, *Prussia*, *Silesia*, *Dania*, *Helvetia*, *Hungaria*. Poloniæ variis provinciis frequens; sed præcipue in Palatinatu *Sandomiriensi* minoris Poloniæ colligitur, inde & ex Varmia Gedanum &c. mittitur, parte notabili populis externis, porrigendum per mare; *Rzacinski* (*f*). In tractibus novæ & mediæ Marchiæ prope Viadrum declivioribus & Pomeraniæ confiniis, *BERGEN*. (*g*) in Silesia, *Elsholtz* (*h*) in aliquibus Daniæ Sueciæque locis, *Linn.* (*i*) circa Tigurum in Helvetia, *Scheuchzer* (*k*): maxima copia provenit Dantisci, *Simon Pauli* (*l*) in Hungariæ comitatibus, *Szathmár*, *Abaujuár* &c. Semen in Hungaria collectum volumine longe superat Polonicum. Sunt plures regiones etiam, quæ gramen mannæ copiose proferunt, in quibus semen sufficienti quantitate posset colligi, nisi gramen tempestive in fœnum defalcaretur, vel secus negligeretur.

O R I G O.

§. XXIII.

Variæ de mannæ origine leguntur Auctorum hypotheses. *Vallesius* (*m*) mannæ hebraicæ

B 3

cæ

(*f*) *Rzacinski Hist. Nat. Poloniæ* p. 97.

(*g*) *Bergen Flora Francof.* p. 321.

(*h*) *Elsholtz horticultura* p. 367.

(*i*) *Linn. Skonska Resa*.

(*k*) *Scheuchzer Agrostographia* p. 200.

(*l*) *Simon Pauli Quadripartitum Botan.*

(*m*) *Valles. Sacr. Philosoph.*

cæ speciem dixit. Alii ex vapore vi caloris in aere condensato derivant. *Kekermannus* auctoritate *Zahnii* scripsit (*n*) mannam herbis de noctu instar roris incumbere, & ex rore gigni: forte hac ex opinione repetenda mannae denominatio §. XVIII. Sed *Vallesii* hypothesin refellit summa mannae hebraici a nostro differentia. Illud die Sabbathi nunquam cadebat; nostrum a quo tempore legitur, quotidie colligitur. 2. Illud toto anno, singulaque nocte, excepta illa, quæ sabbatum antecessit diem, cadebat; nostra æstate solum & certo provenit tempore. 3. Illud altero vel tertio die scatebat vermibus, computrescebat, hoc per annos sine corruptione servatur. Nec videtur mannae materiem ex vaporibus ope caloris concrescere: vapores enim solo frigore condensantur, calore coguntur nunquam. *Kekermannum* fabulosa cujusdam Poloni narratione delusum fuisse, docet falsa, & inconstans ejus de manna opinio, quod nunc concretum roris, nunc roris vitium ex crasso putrefactoque rore in frugibus nasci, ex tripode quasi pronunciat. Nos vero certiora edocti, scimus tam polonicum quam aliarum regionum manna esse gramen, cuius semina sensim adolescendo maturescunt. Nec observatum est alicubi, quum antea non legeretur, postea collectum fuisse, quod tamen, si manna concretus ros esset, ubique gramine rore madido obtenturi essemus.

FRU-

(*n*) *Kekermann. Syst. Physic. L. VI. cap. X.*

FRUCTIFICATIONIS TEMPUS.

§. XXIV.

Quamprimum pulso brumæ rigore jucunda cœli temperies imperat, pratorumque amœnitate vernat alma tellus; festuca etiam nostra fluitans flore superbit triticeo, quos, mense majo spicari incipiens, per totam æstatem ad serum usque autumnum profert. Semina non simul & semel, sed vario admodum tempore ad maturitatem perveniunt: nam culmus aliquando duorum triumve pedum, ramis confertis, panicula instructus quem sit; fit ut paniculæ inferiores, longe serius, duobus, tribus, quatuorve septimanis, quam superiores maturescant, ita quidem, ut dum inferiores ad maturitatem perveniunt, superiores jam decidant, calyce sola, vel folliculo etiam hinc inde relicto. Hinc est, quod semina diversis admodum vicibus mense majo, junio, julio, & augusto colligantur.

CULTURA.

§. XXV.

Quandoquidem diversum adeo maturationis tempus impedit, quo minus graminis mannæ semina messe colligi queant: aliam colligendi methodum excogitavit agricolarum sedulitas, quæ variis in regionibus varia est. Proferam *hungaricum*, *polonicum*, & eum, quo in *Scandia* utuntur, colligendi modum.

In Hungaria, referente *Cl. D. Gabriele Pázmándi, Physico Szathmariensi*, sequenti colligitur modo; mense majo, quo graminis man-

næ semina ad perfectam maturitatem perveniant, matutino, vel (quod tamen rarius contingit) vespertino rore exeunt femellæ, quæ alte cinctæ sumunt in manibus incerniculum, quo in lævam & dextram verso, paniculam ita concutiunt, ut ejus glumæ in incerniculum cadant, quas in fascos collectas, ad ædes suas portant.

Gramine rore madido semen hocce colligitur, non ideo quasi solis calore exsiccatum semen excideret; alias vesperi colligi nihil posset: sed præcipue ideo, quia eo tempore glumæ rore gravidæ, directius in incerniculum cadunt, dum siccæ ob summam levitatem avolant, & pereunt. Præterea roris hujus singularis qualitas, seminis collectionem mirum in modum facilitat: dulci enim & mellea ejus tenacitate efficitur, ut semina in incerniculum incidentia, ejus fundo lateribusque adhæreant, nec sub ipsa collectione excidant.

Glumas sufficienti quantitate collectas in dolium, vel aliud quocunque vas coacervant, ut per tres quatuorve dies incalefcant; tunc glumas exsiccant, exsiccatas leniter tundunt, sive a paleis separant; tandem sabulo addito semen denuo tundunt in alveo, sic liberatur a folliculo, in quo antea inclusum hærebat. Sabulum vero a semine ope incerniculi secernentes semen ad eum statum, in quo vendi solet, evehunt.

Annis fertilioribus, libra una semis seminis mannae septem crucigeris distrahitur: ordinarie duodecim crucigeris vendi solet. Hoc anno vigesimario emitur.

§. XXVI.

In Polonia sequens est colligendi modus. Circa finem junii, maxime mense julio, ante solis ortum, gramine adhuc rore madido, incerniculo ex pilis equinis parato, huc illucque motu, gramen mannæ tangitur, ut semen in illud incidat. Dum sufficiens granorum copia collecta est, effunditur super linteum album, & per quatuordecim dies siccatur. Semen bene exsiccatum, interposito stramine vel arundine effunditur in mortarium, in quo tandem pistillo ligneo moderate tunditur, ut glumæ secedant. Hoc facto ventilatur, & ab heterogeneis depuratur. Ad hæc semen denuo cum floribus calendulæ, vel foliis pomi, corylive statim in mortarium inpositis, mixtum tamdiu tunditur, donec fuscus cortex etiam separetur, & granum suum acquirat splendorem. An flores calendulæ conferant aliquid ad exaltationem coloris? Hoc potius ab ipsa imaginatione pendet. Quando semen debitum candorem obtinuit, ventilatione perfecte depuratur, & sincerum, mensarum usibus aptum redditur. Eodem conficitur modo in Prussia, Marchia, *Lösel.* (o) *Rzaczinski* (p).

§. XXVII.

Longe operosiori methodo præparatur manna in Scandia, quæ juxta descriptionem Cel. LINNÆI (q) sequenti peragitur modo: dum semen perve-

B 5

nit

(o) *Lösel. Fl. Pruss.* p. 108.(p) *Rzaczinski hist. nat. Polon.* p. 97.(q) *Linn. Sconska resa.*

nit ad justam maturitatem, quam post S. Joannis diem mense julio obtinet, colligitur ope incerniculi, quod unius ulnæ latitudinem habet, & tam parvis foraminibus pertusum est, quæ semina mannae transire nequeant. Prehenditur scilicet incerniculum ambabus manibus, prope ad se invicem positis, ita ut quatuor digiti intra marginem, pollex vero extra eum hæreat. Hoc incerniculum summo mane gramine rore adhuc madido, vel statim post pluvias juxta maturas paniculas ex uno latere in alterum latus fertur, adliditur paniculae, sic semen glumis, folliculoque inclusum, cadit in incerniculum. Hac ratione in locis fertilioribus possunt duo homines spatio duarum horarum integrum seminis mannae modium colligere. Grana collecta super pannum calori solis exponuntur & siccantur, separatio & depuratio a glumis & cortice, tandem manna pellucidum & flavum colorem obtinet, fit in mortario ligneo, quod est ex trunco quercus, perpendiculariter elaboratum, rotundum vel octangulum vas, sesquiulnas altum, duos cum dimidio quadrantes latum, cum rotunda oblonga, inferius angustius decurrente excavatione, in orificio duos quadrantes latum, & tres profundum. Huc pertinent duo bacilli ex fago tornati, qui in utraque extremitate aliquantulum acuti sunt, tamen subrotundi, tamque crassi, ut duobus digitis vix amplecti possint; cæterum duas ulnas longi, & in medio, ubi ambabus prehenduntur manibus, tenuius elaborati.

Dum

Dum semen tundi debet, insternitur straminis minutim scissi (germ. *Häckerling*, *Gehäcke*, hung. *Szatska*) manipulus mortarii fundo, super hoc inspergitur manipulus exsiccati feminis mannae; huic superponitur alterum straminis stratum, cui denuo semen adsperrgitur, tunc duæ ex obposito stantes personæ bacillis quam citissime posse sunt, semina cum stramine stratim inposito mixta tundunt; hocque tamdiu continuant, donec glumæ secedant. Semen ita tusum præterea movetur, & ventilatur. Quando seminibus hac arte depuratis nigra obtinentur grana, sumitur straminis minutim consciSSI manipulus & inponitur mortario, super hoc inspergitur manipulus grani nigricantis, tum iterum stramen consciSSum sternitur, super quod alter manipulus grani nigri spargitur; hæc tandem manipulo straminis consciSSI teguntur, quæ simul tamdiu tunduntur, donec niger cortex totus secedat, tunc grana etiam ventilatione depurantur. Si grana non æquabiliter flavescant, iteratur operatio, cum stramine consciSSo, idque tamdiu, donec semina integre flavescant, & pura fiant.

In operatione observandum est primo, ut tuſio fiat in medio & fundo mortarii, 2. bacilli non sunt ultra medietatem mortarii elevandi, ne grana exiliant & ad latera avolent, quod præcaveri posset, si exiguus margo ad orificium mortarii conficeretur.

Hac methodo ex modo feminis depurati & in glumis contenti duæ cannæ alicæ obtinentur.

ANA-

ANALYSIS CHEMICA.

§. XXVIII.

Seminis mannae in Hungaria collectæ uncias sex immisi retortæ vitreæ, adposito excipulo, fissuris bene clausis, calore balnei arenæ, brevi obtinui aquam limpidam, sapore farinaceo præditam. Aucto igne prodiit spiritus acidus, qui ab adfuso oleo tartari per deliquum non effebuit; syrum violarum rubello colore tinxit. Calore intensiori destillavit oleum empyreumaticum, odore fœtidissimo. Carbo residuus niger, levissimus, uncias duas, cum semisse ponderavit, qui elixivatione, salis alcalini præbuit indicium, semen igne aperto combustum syrum violarum colorem in viridem mutavit.

§. XXIX.

Manna ejusdem libram unam in pulverem contusam, aqua in pastam coactam, imposui vase terreo, cylindrico vitrato, tunc superadfusa sufficienti quantitate aquæ, calore temperato fovi. Massa post 24. horas motu intestino agitata ad tollebatur, multisque bullulis in superficie conspicuis, *Helmontii gas sylvestre* spirabat. Fermentata massa, cucurbitæ vitreæ inposita calore ebullitionis dedit liquorem pellucidum, parum tamen spirituosum.

VIRES HERBÆ GRANIQUE.

§. XXX.

Gramen mannae, maxime radix, resolvit, deobstruit, diuresin movet. Grana vero laudantur vi nutritente, demulcente, involvente, *Valerius*

lerius (r) oryzæ in omnibus simile habet. Illam tamen facilioris digestionis esse pronunciat *Schwenkfeld* (s) quia minus inflat, minusque adstringit. *Rzaczinski* mannæ usum cum oryza & milio convenire, ast magis sanitati adcommodatum esse scribit (t) quia aliquantulum refrigerat. *Simon Paulli* (u) negat mannæ vim adstringentem & exsiccantem, potius facillimæ digestoris, refrigerans, & alvum liberiorem servans adfirmat. *Elsholtz* (x) cum *Dioscoride* milio simile, frigidum in primo gradu, & siccum in secundo gradu credit esse.

USUS GRAMINIS OECONOMICUS.

§. XXXI.

Gramen mannæ est utilissimum pabulum equorum, qui hoc avide vorant, eoque optime nutrituntur. *Agricola Anglus D. Dean*, solo gramine mannæ ex locis continuo aquis inundatis, in quatuor agris crescente, cum pauca *Agrostis alba*, quantitate mixto, a mense Aprili ad autumni finem, quinque operarios equos pavit, nihil aliud in pabulum exhibens; nec tamen potuerunt gramen hocce, quo multum delectabantur, consumere; *Stillingflet*. (y) Non minori

ad-

(r) Valer. in Musæo Museorum.

(s) Schwenkfeld Catal. Stirp. Siles. p. 89.

(t) Rzaczinski Hist. Pol. Natur. p. 97.

(u) S. Paulli Quadripart. Botan.

(x) Diæt. I. I. C. 3.

(y) Stillingf. Misc. Transact. §. 386.

adpetitu in hoc gramen feruntur sues, unde etiam nomen sueicum *Suin-Swingel* obtinuit. Forte fortuna vidit *Celeb. Kalm*, (z) quod inediam famemque depulsuri porcorum greges, remote in aquis vadantes, festucæ fluitantis folia carperent, avideque consumerent. Dein idem saepius observans, quum videret hocce gramen animalium palato adeo adridere, jussit ex festuca fluitante parvos fasciculos colligi, quos exsiccatos dum illis projecisset, expertus est, sues non minori adpetitu gramen hocce vorasse, quam optimum foenum solent equi consumere.

USUS GRANI CULINARIS.

§. XXXII.

Cnapius (a) in tractatu de gramine mannae observat ex Martiali vocem *Svvad* tantum valere ac *nitor culinae*, nec inconcinne: quamdiu enim manna in culina habetur, non tantum ejus decus est, sed aptum etiam est deliciorum appetitum, famemque sedare. Varia ex manna ciborum genera parari possunt, magis tamen in pultaceis, quam in panificiis, mensarum inservit usibus. Lacte vel pingui jure decoctum dat edulium gratum, suave, Silesiis expetitum, boni succi, facilisque digestionis, *Schwenkfeld* (b). Hungari lacti, juri incoquunt. Delicatissima ex eo farcimina conficiunt.

§. XXXIII.

(a) *Cnapius lexicon Pol.* p. 1131.

(b) *Schwenkfeld catal. stirp. siles.*

(z) *Kalm West. Gotha Resa.*

§. XXXIII.

Nec medicatæ desunt grano mannæ vires, ob quas varia ex eo ægrorum usibus possent parari remedia, *decocta* antiphlogistica, resolventia, refrigerantia, nutrientia in acutis morbis, & in acrimoniosis inservientia. *Gelatinæ, juscula, emulsa* nutrientia, demulcentia, roborantia reconvallescentibus, cacochymicis, hæmoptoicis, tabidis, phtysicis utilissima. Et si grana *sago*, ut & *gelatinam de sago* Angli Medici tam in acutis quam in consumtivis morbis, ægris suis in cibum concedunt; cur familiaris Hungariæ mannæ grana ejusque gelatina nutriens, refrigerans, demulcens, & roborans negligitur? Quum hæc lacti, vel si indicatum est, vino incocta, dat tam bonum tamque sapidum, imo sapidiorem cibum quam *cycas japonica Ledel, (c) Schreber (d)*. Decoctum mannæ ad emolliendas tumidas & induratas mammas mulierum commendat *Jonston (e)* manna in pingui jure decoctum illitumque, mammarum duritiem soluisse reliquit *Schwenkfeld (f)*.

A D M O N I T I O.

§. XXXIV.

Si gramen mannæ magis equis in pabulum, gramum ejus frequentius hominibus in cibum cederet, quam hactenus, majori copia per culturam in omnibus regionibus proveniret, nec opus esset semen

(c) Loco citato.

(d) Loco citato.

(e) Jonston in fragm. herbarii.

(f) Loco citato.

semen aliarum regionum mutuari, quum æstate tanta quantitate posset colligi, quanta ferendo sufficeret. Præterea quum hoc gramen loca humidiora adeo amet, ut extra hæc exsicetur penitus, quantum parceretur sumtibus sæpe inutiliter ad horum exsiccationem expendi solitis, si gramine mannæ inplantarentur?

EXPLICATIO ICONIS.

Ex CEL. SCHREBER Gram. desumptæ.

1. Inferior graminis mannæ pars cum radicibus.

2. Simplex panicula, cum spicis, nondum florentibus, hæc panicula a primo geniculo ob spatii angustiam abscissa est.

3. Portio paniculæ compositæ cum flore.

4. Duæ glumæ.

5. Glumæ pars exterior. 6. Glumæ pars interior.

7. Stamina, pistilla, nectarium, volumine auctum.

CASUS PRACTICI.

Varia in *morbo sacro*, celebres in arte medica viri laudant remedia.

Quædam horum ablata causa malum integre curant.

Alia insultus epilepticos ita compescunt, ut causa procatarctica ablata, proegumenam sopitam quasi teneant.

Sæpiissime morbus pertinacissimus omnem artis eludit operam.

Radicem valerianæ, majori tamen dosi ad dr. ij. iij. iv. ut efficacissimum in hoc malo remedium celebrat felici medendi methodo celeberrimus D. Ios. QUARIN. (a).

Florum buglossi vires antiepilepticas adnotasse reperio neminem.

Laudatos tamen a doctissimo V. D. M. fidelissimo pulcre adhucdum memini.

Et iisdem quosdam curatos docebunt casus adpositi.

Si aliorum experimenta meis respondebunt votis, habebo, de quo gratuler.

Sin minus, casus sincere adnotasse sufficiat.

Flores exhiberi possunt in infuso aquoso, vinoso, spirituoso. Usi sunt in utroque casu, infuso spirituoso sequenti forma præparato.

Rec. Florum buglossi recenter collecti m. iij.

Infunde sp. de fœce vini parati Lib. j.

Vitro probe clauso macerentur per triduum.

S. Sumat vase inclinato omni mane cochl. j.

Pulverem foliorum aurantii in morbis convulsivis adeo extollit vir tot nominibus medicinae carus Magnificus de HAEN, ut si quos non juvet, causam in ægro, non in remedio quærendam judicet.

C A-

(a) In nosocomio carissimorum fratrum misericord. in quo præter medendi suæ methodum, quotidiana praxi confirmatam, multa saluberrima consilia practica, candido vultu communicat frequentibus suis auditoribus, quibus me interfue gratus semper reminiscar.

C

C A S U S I.

Vir humanioribus litteris excolendis deditus, statura inter longam & depressam media, temperamenti sanguineo-cholerici natus annos XXXV. nullis unquam obnoxius morbis, præter epilepsiam, cuius paroxismos, ab ineunte ætate ignota ex causa, fere quolibet anno semel, bis expertus est; aliquando tamen toto anno morbo liber fuit. Anno 1760. gravi mea in vicinia defunctus paroxysmo, incepit remedio spirituoso uti, omni mane per duos menses, cochleare unum commune sumens. Ab illo tempore paroxysmo liber valet athletice quinquagenarius seniculus.

C A S U S II.

Juvenis XVII. annorum temperamenti sanguinei, nobilissimi adolescentis, festivus & fidelissimus famulus, ex terrore epilepticus factus, posteaquam per plures annos paroxysmos epilepticos expertus fuisset, cum duodecimum ætatis annum ageret, anno 1769. mense augusto sumisit mane infusi spirituosi cochl. j. paroxysmus ab eo tempore nunquam rediit.

De casu hocce ut eo certior evaderem, rogavi ab *Expertissimo Physico D. Samuele Wáshelyi* juvenis nostri anamnesin. Misit optimus amicus sequentem: A. S. Puer adhuc in patria, bubalos, quos custodiæ suæ commissos habebat, in prata illicita evadere sinens, a custode hujus loci adeo territus est, ut brevi do-

mum

mum suam repetens, paroxysmo epileptico corriperetur, qui subinde dein etiam rediit; sed tuo remedio ita ex morbo curatus est, ut paroxysmos per integrum quinquennium expertus non sit. Nunc etiam vivit sanissimus,

F I N I S



